

史惠甫 住上海城内方浜路七七五号三楼

姜佐景按：史惠甫君前以病来诊曰：我时患腹痛，药则少瘥，隔日辄发，医者以为疝气，常用理气之剂云云。余细诊之，乃肠痛也，即西医所称盲肠炎腹膜炎之类是。当用药攻之，稍瘥，数日又发，案及处方如下：腹痛偏右，瘥而复发，便燥结，拟大黄牡丹汤。

生川军钱半	元明粉三钱冲	桃仁二钱
丹皮二钱	败酱草三钱	生苡仁四钱
熟附块一钱	枳实炭二钱	白芍二钱
佛手钱半		

此四月十八日方也，服三剂，所下甚多，腹痛大减。至二十五日，仅觉患处隐隐作痛矣。易医治之，与以疏泄厥气之剂，方为：

软柴胡钱半	枳实炭二钱	大白芍二钱
青陈皮各钱半	云茯苓三钱	香附二钱
金铃子三钱	炙乳没各八分	小茴香八分
炙枸橘三钱	青橘叶钱半	路路通三钱

服后一日，病无进退。二日，腹胀转剧，又来请诊。察之，向之腹偏右胀痛者，今则满腹左右皆胀矣。按之不甚有反抗力，《经》文中“腹皮急，按之濡”六字，确是形容尽致，不能更易。病者蹙额相告曰：将如之何？余曰：无虑，前方尚可用。乃书曰：肠痛旋瘥旋发，刻诊小腹四围作胀，按之濡，隐隐痛，大便不爽，再拟原法。

生川军三钱	粉丹皮三钱	冬瓜子四钱
芒硝三钱(冲)	桃仁三钱	败酱草三钱
熟附块钱半	大白芍四钱	焦楂炭钱
细青皮钱半		

此方午刻服下，下午无动静，至夜半方欲便，下秽物甚多。次日又来诊曰：下后腹中略舒矣。余视之，病虽减其一二，殊不了了。曰：昨方虽合，尚嫌轻也。史君曰：然则如之何？曰：当请吾师用重方，君有胆量服之否？曰：愿听命。乃谒师，作初诊。

初诊 肠痛屡经攻下，病根未拔。昨由姜君用大黄牡丹汤，腹